

海  
秋  
詩  
集

海秋詩集卷之十五

益陽湯鵬海秋撰

七言古詩

前忼慨篇

我意纏綿有萬端。我歌忼慨幾千言。弱齡饒智慧。雄辨  
走鄉鄰。橫笛龜臺上。讀書資水濱。舟移蘆蓼溶溶月。衣  
翦芙蓉淡淡雲。刈稻喧呼詞可辨。排沙宛轉字如神。桓  
麟意氣能傾客。曹植文章不倩人。鍊肋銅筋真可用。虎  
頭燕頤豈長貧。少年磊磊談金紫。匹馬遙遙入燕市。燕

市富英髦才名奪錦標。家家稱繡虎。箇箇號乘鰲。誰識  
湖湘子。時捫星斗胸。鏗然一技奏走矣。萬人聳目短。鄒  
枚局氣。剗滑陸鋒。浮名慙白日。薄翼會高風。歔竒磊落  
多狂態。翦拂吹囈有老翁。那惜齒牙成孔闕。頗能刮目  
待吳蒙。優游絳灌交應固。奔走夔龍道欲同。初出山中  
天趣活。不知世上機緣惡。短車羸馬太踉蹌。春雨秋風  
成落拓。落拓夫如何。炎涼積已多。投簪分膳部。結興阻  
鑿坡。海上神山真縹緲。天邊列宿且婆娑。青纈赤管都  
陳迹。雄辨高談豈異科。一一蛙音雜鐘呂。雙雙魚目混

瑤珂畏人欲唱笙篴引知命休爲服豫歌班資積塵人  
材平纓帶消磨涕淚橫徒有春雲烘瑞錦斷無夏屋敞  
冰廳六行槐柳淒淒雨一樹薔薇緩緩晴深谷路難搜  
杞梓荒江波小困鯢鯨回看燕雀巢中宿盡變鸞皇枝  
上鳴佩印蘇秦良婀娜笑人鄧禹太碎匄升沉各異路  
勤嬾且關懷九年閒散爲郎賤三歲辛勤宥府來典章  
浩灝如山海喉舌扁爛勒鼎鼐宣麻筆力走雷霆承旨  
才華要模楷韜鈴可學幾徬徨羽檄交馳最慘傷長髮  
山搖憑險阻短衣海寇亦猖狂民氣蕭騷厭烽鏑天災

稠疊滋饑溺。蟻橫震澤屋。廬穿魃走幽州。禾黍黑此事。  
蒼黃辨吉凶。此時謀議劃。西東堂階如聽邊。圻哭恩澤。  
知承斷制中。我隨丞相後。時發紫泥封。帷幄經綸密。垓  
埏血氣通。野無戰骨。颺沙礫。村有完田。種桂種繒。出三  
司。蘇疾苦刑詳。五用翦奸凶。勤思民物關。裨補流覽訐。  
謨自斲。蕞莫晒。常楊徒起草。預儲管葛好。銘功登車攬。  
轡澄清志。破浪乘舟浩。蕩風年來年去。還銷鑠衣故衣。  
新厦回薄上苑。頻經楊柳飛。明湖幾見荷蕖落。一鞭恒  
趁曉。寸管豈勝情。才猷無衆特。性命有枯榮。猥以崢嶸。

地幾成。踏踏行鄧林。不少卑枝鳥。滄海能無點水。艇。渭。濁。涇。清。焉。得。說。文。經。武。緯。竟。何。成。蹉。跎。驢。志。嘶。長。懸。謠。詠。蛾。眉。出。醜。聲。行。路。媒。多。翻。是。孽。誰。家。鬼。職。不。知。名。解。嘲。嬾。情。羞。揚。子。多。病。纏。綿。肖。馬。卿。中。散。七。堪。琴。裏。怨。南。容。三。復。枕。中。銘。守。雌。守。黑。從。吾。好。呼。馬。呼。牛。任。物。情。蕉。鹿。訟。中。贏。亦。紉。杯。蛇。辨。後。醉。長。醒。登。高。莫。逐。羊。腸。險。闕。巧。還。愁。狸。尾。烹。鮎。上。竹。竿。頻。倒。墮。鵠。逃。僧。繳。少。悲。鳴。飛。騰。舊。識。丹。砂。術。寂。照。新。航。白。足。名。支。遁。傳。燈。拈。妙。悟。松。喬。得。氣。亘。長。生。鼻。聞。薈。蒿。消。泥。穢。腹。飽。琅。玕。謝。肉。腥。鯨。

子才言集 卷一 三  
三  
鱷焉能近龍鉢。蜉蝣誰與占龜齡。細思憂患吾應了。只有逍遙物外情。

後忼慨篇

我歌忼慨驚風雨。我意纏綿難告語。擾擾長安路悠悠。粉署人枯樗隨俯仰。枵櫟等沉淪歲月催。華髮衣冠謝瑣姻。有心嘲謔祇無力。畫麒麟閑把浮雲刪。物幻暗投明月損。吾真阮籍蒼茫存白眼。馮唐蹭蹬失青春。豈謂芝函摩典誥。且從金部算錢緡。三尺龍泉淹意氣。千行鵷序後。臣鄰粥粥辭樞府。洋洋上柏臺。法冠簪白筆。驄

馬踏黃埃楚鳳非。衰資羽翼蜀椒雖。棘近鹽梅欲將伏。  
豹盤雕意一洗膏唇拭舌才。節似八杉斯挺拔。心兼四  
鐵與徘徊。請劍埋輪吾分耳。揮輅振鐸道休哉。憑陵鯁  
骨人皆問哭兀班心我自哀。朝肆抨彈鷹有力。暮歸摧  
落雉無媒。短羽慙先路。低顏返舊巢。惜騰憐解多。栖息  
借鷦鷯。沈疴美疹雙蓬鬢。伏雨闌風一珥貂。猿臂將軍  
逢醉罵。雀羅廷尉鎖清寥。埋頭祇可供三嘆。失意端應  
玩六爻。腸似圓輪無限轉。手將破甑且輕拋。邯鄲枕上  
黃梁熟。霹靂琴邊大木焦。浮世滄桑多變駭。腐儒吏隱



總飄蕭前路滯風雲孤懷寄鄉土憾別了無言遂初私  
自許清水潭前一釣竿浮邱山下幾茅宇紫石都烘雲  
母烟香蘭不碎洞庭雨鶴鷺比鄰自往來漁樵歲月無  
今古可憐馬首向天涯辜負江村好落霞松徑已荒陶  
令宅瓜棚猶在邵侯家不如歸去弋還耕長謝人間縱  
與橫山路放心騎猛虎江波洗耳塞青蠅三休亭子中  
條色四漫詩歌退谷聲桂楫蘭橈隨浩蕩孤煙蘆雨養  
伶俜向平轍迹峯峯見張翰專鱸浦浦并老屋深叢眠  
食穩白雲流水是非平乾坤非不廓進退兩難便欲遂

挂冠志嗟無負郭田暮粥朝餽誰給送男婚女嫁互因緣  
駟騶裘敝難供酒鸚鵡篇成不值錢季子黃金總蕭索  
太倉斗米且周旋回思仗馬身何補徒羨冥鴻物外  
騫東海乘桴無可說北山返駕是何年武陵不管桃花  
笑衡岳那能石室眠安心聊自遣搖尾又何妨巢許名  
雖好皋夔義莫忘待時君子德遜世小儒狂淒涼辭柱  
史澹泊耐曹郎手版知恭敬頭銜厭較量曳裾忘愧汗  
拊劍起旁皇不分功名幻蒼狗生憎姓字隕斜陽儀形  
未畫凌烟閣著述須登作者堂書把餘才趨簿領夜回

苦志向篇章短。榮寂歷螢千點。秘冊縱橫蠹一床。五典  
三墳歸吐納。九歌七發極蒼涼。馬遷筆楚存麟筆。庾信  
波瀾少雁行。蘊藉素書叅稷契。淋漓新詠削山王。天人  
三策江都稿。忠孝千篇杜甫芒。舊憾倘消新憾起。長吟  
未闕短吟將。非爭墨客詞流技。只寫仁人君子腸。江河  
韜蓄流元氣。金石鏗鏘發古香。萬事然疑析毫髮。微詞  
褒貶挾風霜。縱教官序遲。經濟猶有文。心感吳蒼。

答龔膳部越鳥篇

越有鳥胡爲乎自名。鳳凰楚有鳥胡爲乎自名。鳳凰衆

中弗可以獨獨斯不祥不見訓狐祝鳩鬼車滂澤羣呼  
羣從羣得其所以徜徉胡爲乎自名鳳凰一解越鳥古

光在羽古淚在心腸衆子何詞其德昌匪惟弗詞其德

昌乃又謠詠乃又相冠攘越鳥啾啾出亦以踉蹌入亦

以踉蹌二解楚鳥生于沅澧之陽飽餐蘭芷以有其文

章文章有神蘭芷有香大願薰蒸變化上下四旁名高

患作中道回翔既懲既創云胡不藏不鳴者三年矣罔

或厭于靜罔或萌于狂三解楚鳥四顧轉張抱道不知

所居呼同志子來奮來將瞻彼越鳥九苞六像匪衆鳥

之行願無與衆鳥齟齬榛梗式導以漸式自治以莊式  
定且詳匪惟君子之祥乃亦時之昌 四解

印心石屋歌贈陶雲汀制府 併序

雲汀制府前輩入覲 聖人拳拳詢及里居

廼書印心石屋匾額賜之典甚特也不可無詩

秦箏趙瑟未足多聽我印心石屋歌石屋輪囷在何許  
乃在香爐峰側資江浦山礫礫兮水溶溶松風蘿月菰  
蒲雨上有青猿白鹿結比鄰下有鳩鵲鵲相對語連  
際哉安化翁疇昔隱居讀書行義於其中筆床茶竈有

位置烟巒雲壑無終窮。子陵釣竿挂明月。茅君羽車來  
好風。藤輪曲轉。岡前後。桃杖直指溪西東。野花踏去匹  
時碧。村膠泥飲兩頰紅。當時杳無塵土夢。顛倒扶掖乃  
與閭里同。胡爲乎鸞栖栖。厭荆杞。鯢變化九萬里。山林  
自許稷契身。廟堂端爲唐虞理。金章紫綬照精神。蟠天  
際地不可已。江南聚戟臨江濤。江間鴻雁哀鳴號。天時  
人事一淒惻。肝膽精白鬚眉焦。萬卷填胸吐經濟。九州  
攬轡獨奮勞。每經盤錯氣不餒。欲乞骸骨理又膠。連蹀  
哉。安化翁。回望山中石屋心。迢迢心迢迢。不可說今年

展覲來

天閭北風獵獵貂裘雪述職甫畢詢里居再拜稽首臣  
虺隤臣心如水石如臣

龍鱗容與恩波迭內監捧出四大字拏雲捉電蛟螭結  
九重翰墨光草萊一代恩榮數勛烈君不見傳說嚴帝  
賚良弼感至誠又不見諸葛廬卧龍慷慨鋪良圖古來  
賢豪踪跡不可湮長與河山帶礪無窮年於序鯨鯢橫  
海辭鯁鯁檣櫓那可攀楠楓我昔偃仰浮邱巔其上有  
閣八九椽薜荔爲牆蕙爲櫺白雲明月窮窅間誅茅樂

道苦不堅。浮名驅之走。幽燕五年樞府。不高騫。一月柏臺。乃左遷涓埃。未報。搜罪愆。背汗淋漓。淚潺湲。搖尾帖耳。乞誰憐。心懷故居。緒茫然。焉能上請。

天題生氣勢。歛見珊瑚碧。樹枝柯聯枯。榮遲速自有常。那用屑屑相頡頏。公乎公乎。爾誠致君堯舜。參景光浮邱腐儒。但能染翰操紙工。鋪揚俾此心。此石此屋更歷千齡。萬代無滄桑。

長歌行贈熊雨臚孝廉

雨臚雨臚勸爾一杯酒。彼飛者塵埋不盡。隋珠和璧之



光華彼噪者蛙塞不住鸞聲虎聲之唌吼當其混混尋  
常間鵬鷃鷦鷯相往還萊施離披荃蘅刪嫫母衣錦西  
施寒雨臚雨臚爾昔短衣匹馬來長安雄姿逸氣不與  
時流鬪牽扳詩摧蟻戰文龍蟠木難火齊堆爛熳當時  
我亦張旗鼓雷奔電掣筆如雨大言崢嶸小言從長歌  
漭漭短歌補世人疑我國無雙九鼎何能筆力扛雨臚  
雨臚爾獨駭膽退步爲我降我爲滄海爾爲艘海渡艘  
兮鼓洶湧天吳罔象閃惶恐艘駕海兮識涯涘徂南極  
北不可止初如侯芭服揚雄奇字碑兀吞鴻濛漸乃李

翔敵韓愈談道談性伯仲中百川有先後同到海之東  
我固迴互於溟渤之穴爾亦摘拔於岑嶽之峯出亦與  
我俱入亦與我俱歌亦與我俱哭亦與我俱破帽風衝  
裘雪鋪乞錢沽酒焚枯魚十日醉臥鬢眉盛腰金戛玉  
非爾徒鷄鶩奸黠鸞皇愚鐘缶倒置黑白無我有辨口  
徒區區烏虜天以雲黯兮以月明物以霜悴兮以露榮  
去年秋風刷爾之羽毛名騰京兆文采高今年春風舞  
爾之衣條南宮準擬先時髦雨臚雨臚富貴於汝亦何  
有但令吾道磊落登夔皋兩儀賜雨調錯迕九州聳贖

歸鑄陶腰懸金印麒麟動手揮霜劍魍魎逃烏虜此意  
吾蕭騷手脚顛頓口吻焦精衛瑟縮愚公號海豈可填  
山可撓猶當婉變待天命黃鵠一舉冲雲霄天生我才  
必有用補偏塞漏元氣牢輪肝剖膽比葵藿納忠效信  
竭芻蕘雨臚雨臚勸爾一杯酒讀書濟世兩者慎勿相  
轉轆烏虜讀書濟世兩者慎勿相轉轆

長歌行與陳芝楣中丞別

清莫清兮湖波沐日浴月與天長奇莫奇兮楚材攢柯  
植骨皆棟梁樂莫樂兮殿前說事聲慨慷莫悵兮聚

無幾時別傍徨君之來兮

聖人悅前席九召鳴環玦垂問蒼生每心折剖析利害  
工研覈頽綱漏網貴提挈君之往兮心纏綿望而不見  
何茫然廬山高高高極天九江澎湃浩無邊百花洲在  
桃杏間香爐石鏡相嬋娟雄樓傑閣鬱層連城如金湯  
鐵莫穿萬商雜奏牙樯牽刑揚交廣涂軌便琨瑤綺縠  
不值錢桑麻溢郭杭滿田名茶細葛蝦蛤鮮櫟樟松梓  
柑橘棉葡萄茉莉菰葱蓮鱖鰣鮓鰱鯪鴈鴟鵂鹑  
鸚鵡翩開府來開府來江西之人禱祀而裒衷艱危深

仗出羣才庶幾吹噓箴石兩優哉君不見安化翁蒼鬚  
似戟橫霜風艱難曲折心無窮天青日白功勲崇君不  
見浮邱子頓首青蒲今已矣懲咎塞慙汗涔涔漢朝賈  
生枉自比嗚呼百川奔赴滄海深獨木樛樛非鄧林誰  
與安化老翁讀書濟世共爲霖誰與安化老翁讀書濟  
世共爲霖君乎君乎畫船揮幟指豫章旌旗駛駝馬騰  
驤可欺人事干陰陽昔何形勝今慘傷千村萬落無稻  
梁哀哀鴻雁號舊時日凍餒今日亡野鳶啄骨天昏  
黃飢氓暴客相狂攘白晝殺人血浪浪攫金取粟驅牛

羊此風熾矣。乃不祥。丈夫能事回。而陽春以和風。秋以霜。河伯忸怩。旱魃藏。三白墮地。蝗蝻僵。獸驅猛虎。鳥來鳳物。無疵癘。民義皇。丁男丁女行。康莊山花野葉中。帽。鷓鴣雞炊黍。提壺漿。村歌社舞樂洋洋。鰕生已矣。總爲郎。毛羽踴躍。何所望。勸君一飲罄千觴。及時努力扶紀綱。仁經義緯未渠央。無爲告別淚沾裳。

咄嗟行送潘四農還山陽郭羽可還永豐張亨甫  
還建寧朱蠹仙還阜陽楊杏農還武陵左景喬  
還湘陰熊雨牘還長沙廖月槎還益陽

咄嗟乎天上月出雲入雲光景滅咄嗟乎地下蓬東飄  
西颺從顛風男兒有材不梁棟鷄鶩羣飛笑鸞鳳口談  
往古只自愚筆參造化知何用君不見山陽播四農垂  
帷隱几窮春冬六籍酣酣吐糟粕萬言鬱鬱蟠蛟龍君  
不見永豐郭羽可老矣鬚眉猶婀娜畫通神鬼極蒼茫  
詩琢風霜工貼妥君不見建寧張亨甫摧拉盧王舉白  
甫騷壇寥寥一旗鼓君不見阜陽朱蠡仙七十八篇文  
采騫氣排閭闔心纏綿君不見楊杏農左景喬跟經躡  
史窮爬搔三尺龍泉佩在腰高談雄辨聳其曹君不見

熊雨臚廖月槎性情如水文如霞千詩百賦堆滿家顯  
氣精英無點瑕嗟爾八友抑塞磊落之奇才與我朝朝  
暮暮飛觥對飲相裊裊騁妍拙秘亦偶耳倚天拔地何  
壯哉我願脚踏大靈龜欵天之門瞰是非巫咸式降知  
爾悲又願身爲秦吉了飛謁鳳皇詞美好假爾羽翼翔  
穹昊咄嗟乎八友才一何豐命何屯咄嗟乎八友才一  
何豐命何屯南宮風月總如夢春官桃李是何人但見  
羣鯉燒赤尾未許一鶚騰青雲我聞松柏性不改薜蘿  
力易殫富貴生戈矛貧賤寡憂患叮嚀告八友爾但誅



茅打稻于窈窕深谷之間不然捕魚捉蟹於綠波碧石  
之灣家逐烟霞無險巇社結粉榆有追扳三三兩兩樵  
叟呼十五五牧童還東鄰棗熟從人摘西溪菰肥飽  
我餐坐耨名酒消白日行採大藥駐朱顏超逍遙兮樂  
天地回頭大笑雞蟲頑

酬朱蓮甫編修

有美一人雄且奇驪駒踏路橫霜蹄心藏風雲口垂霓  
竦身一躍扳天梯蓬萊方丈牢息栖衣裳翕赫佩陸離  
回頭大笑燕雀低聲酸羽裂無由躋長歌短歌吐酬嬉

新詩林立千有奇。擺弄蛭鼃。拏蛟螭。離衆絕致。駭且迷。  
顧謂鵬也。心所儀。願爲雙鳥鳴。聲齊天。青雨白。欵我扉。  
執手下。問森提攜。又草鉅篇。堆瑤琪。情長語重。工品題。  
讀之汗下。兼涕洟。辱贈不報。我心悽。君今且停聽。我辭。  
紫駝有峰。麝有臍。鱗角鳳。嘴虎豹皮。或遭剪剝。或鹽醢。  
煎蘭鑠膏。光景稀。桃李狼藉。紅滿蹊。邯鄲才人。厮卒妻。  
爭強取妍。患累累。名高謗作坐。自擠前。飛鵝鶴。後魍魎。  
跬步不省。生九疑。既往可誠來。可追歛。退就懦。塞啼悲。  
雕章緝藻。何用爲。勸君置我勿。雄推且沽美酒。倒玉卮。

醉臥榴花阿誰知於虜真意乃在斯

短歌行七章集杜並效同谷七歌

昨日晚晴今日黑淚痕血點垂曾臆幾時高議排金門  
蒼天變化誰料得朝廷故舊禮數絕十日不一見顏色  
烏虜一歌兮歌已哀鳳凰麒麟安在哉

先生有道出羲皇眼有紫焰雙瞳方風后力牧長迴首  
天地爲之久低昂酒酣揮劍肝胆露感時撫事增惋傷  
烏虜二歌兮歌始放白石素沙亦相蕩

氣酣日落西風來風急天高猿嘯哀青蕊重陽不堪摘

抱病起登江上臺卽事非今亦非古主人罷餉還傾杯  
烏虜三歌兮歌三發杜陵野老骨欲折

病從深酌道吾真屢覩尋常行路人出門轉盼已陳迹  
迴風颯颯吹沙塵萬事盡付形骸外何用浮名絆此身  
烏虜四歌兮歌四奏高車駟馬帶傾駘

天入滄浪一釣舟江清日抱黿鼉游長沙千人萬人出  
妙舞逶迤夜未休吾獨胡爲在泥滓天陰雨濕聲啾啾  
烏虜五歌兮歌正長遙憐故人思故鄉

東西南北更堪論側身長顧求其羣弟妹蕭條各何往

半入江風半入雲。人生會面難。再得終日坎壈。纏其身。  
烏虜六歌兮。歌思遲。獨立蒼茫自詠詩。

吾聞良驥老始成。疇乎吾生何飄零。有才無命百寮底。  
側身注目長風生。丈夫蓋棺事始定。轉見千秋萬古情。  
烏虜七歌兮。悄終曲。令我心中苦不足。

歸去來歌送孔宥函比部

歸去來。奈汝何。西山豈無蟬蛸。腰眇之屑。雲桑乾。豈無  
磅礴。渤蕩之流波。黃金臺。枯碣石。圯嗟汝。鷹揚虎視之  
氣。徒銷磨。君不見金張藉。舊業衛霍生。光華門。施行馬。

莽崢嶸。炊金饌。玉豐其家。汝獨胡爲寂寂。寥寥守郎署。  
飢鼠齧壁。蟲吟啞。又不見。浮邱先生苦吟哦。千詩百賦。  
不值一杯水。終日纏臂束臂。其能那手無尺寸之柄。薦。  
儕輩。發施蕭艾。往往溷濁荃蘭科。山公之啟成何事。呂。  
公之袋枉搜羅。鳳皇踏蹕不能上。九天大都鞘光息影。  
於邱阿。歸去來。奈汝何。秋風凜凜。霜作花。白日慘澹。生。  
黃沙。萍飄梗。汎天之涯。雙鬢雪。色魂如麻。我且爲子換。  
悲歌子。今。瀟酒樂事多。九衢六街十丈塵。颼颼吹不到。  
草冠藤杖滄浪蓑。淮之山青。子黛淮之水碧。子霞楓。柘。

才言集卷之三  
槐楸鬱窈窕。鵲鵲鵲。整更斜。子兮子兮。讀書彈琴於  
其中。松風蘿月。不用一錢除。衣有木棉飯。烏筒飲以珍。  
珠羹黃芽。上與白髮庭闈。一步千婆娑。下有紅顏。眉  
而靚麗。黃口晚臥而撫摩。斗室周旋。亦人事。寸心鼓盪。  
皆天和。子今瀟瀟樂事多。吾獨胡爲苦。羈絆側身南望。  
涕滂沱。歸去來。奈汝何。

惜別行送李梅生之大梁

左不見黃河。咆哮萬里觸龍門。右不見嵩山。三十六峯  
排嶙峋。忽然夢此飄飄雙羽翼。與君俱落梁王城畔之。

白雲梁王城畔秋可憐。商飈浩浩吹青天。霜霰攪空波。  
塞川下馬弔古心茫然。倉頡造字之臺。尙不得守。那怪。  
信陵君墓。犁爲田。或云夷門監者老侯嬴。枚馬侍從才。  
縱橫。俠骨支心今已矣。汴水東流逝不停。君胡爲乎褻。  
裳去。向梁王城君胡爲乎褻裳去。向梁王城天涯地角。  
無不可道孤心怯。誰從我自我與子訂忘年。高誼垂雲。  
兩差我我欲摧拉虎豹。開九關。跪祈玉皇賜龍荷。置子。  
于蓬萊瀛洲方丈之三山。衣裳翕赫日與衆真羣起坐。  
又欲告訴麒麟暨鳳皇。身爲百蟲之長。勿驕惰。速分瓊。



瑤一。勺。梧一。枝。慰。子。塵。埃。之。中。千。轍。軻。胡。爲。乎。留。君。不。  
住。放。君。行。鷓。鴒。曉。喔。蟲。夜。鳴。鴻。雁。嘹。唳。長。風。橫。乾。坤。一。  
片。悲。秋。聲。登。山。臨。水。無。限。情。送。君。別。執。君。手。亦。不。用。傾。  
燕。市。杯。亦。不。用。折。盧。溝。柳。浮。生。聚。散。尋。常。耳。千。里。一。心。  
證。不。朽。君。不。見。韓。愈。白。髮。驚。蒼。蒼。足。蘇。軾。空。悲。春。夢。婆。世。  
有。斯。人。命。折。磨。牛。奮。箕。張。可。奈。何。當。時。蚊。蟲。鵲。雀。何。其。  
多。惟。有。籍。滉。秦。黃。中。炯。炯。悲。懼。離。合。時。以。長。歌。續。短。歌。  
噫。古。之。人。兮。長。歌。短。歌。今。之。人。兮。長。歌。短。歌。古。人。未。必。  
勝。今。人。高。睨。大。譚。無。嬖。嬰。君。謂。我。手。削。嶠。嶽。歸。崎。之。太。

行口吞沸騰噴薄之源。茫我願君。蹋倒千霄蔽日之嵩。  
山障回影。沙碧石之黃河。男兒意氣。那可竭揮手去矣。  
心笑兀梁王城畔。一片雲。薊州城畔。一片月。此雲此月。  
長照兩人影。與形慎勿學兒女。露巾吞聲。怨別髮飄零。

### 登陶然亭放歌

宋玉九辨不可讀。張衡四愁枉自傷。且攜一斗濁醪。命  
傳侶。時偕何子貞來坐陶然亭。子之中央。陶然亭子浮  
秋光。天清氣肅。梧楸黃。蘆葦擗。鸕菊凌。霜枯蟬墜地。蟲  
淒涼。鴻鵠振羽高。其翔此時飲酒不爛醉。無由豁我塊。

壘千徇。往我本山澤之中。漁樵子曷爲側身天地觀行。  
藏頗稟鳳翥趨看。府亦衣多繡。排天闔才豪氣。猛得贈。  
蹬老矣。毛髮如馮唐。此亭此亭。解人意。幽鳥啼花爲我。  
行春風兮吹我衣。我衣乃雜楊柳之色。靡蕪香黃鸝。蛺。  
蝶相飄揚。秋風兮吹我杯。我杯乃與劉伶阮籍上下而。  
頽頽醉中。一瞬三萬六千場。秋亦不用悲。醉亦不用狂。  
忽見西山笑兀撐。太行鬱乎隱隱何蒼蒼。千片萬片之。  
雲皆飛來。假我羽翼。副以綵旛。瓊佩兼霓裳。迺騎麒麟。  
鞭鳳凰。赤松安期從我旁。瑤臺十二森開張。蒼然論事。

請玉皇。霄公。碎旬電。母笑。使我股栗。汗下心摧。藏心摧。  
藏兮。顏瘦損。白日欲暮。歌方長。男兒行樂。須狡獪。登高  
作達。正未妨。口吸百川。洗胃臆。手搖五嶽。騰光芒。念此  
輪囷。磅礴之元氣。中有乾端坤倪。揮霍變化。生軒昂。前  
不疑往者之憤憤。後不憂來者之倏倏。於虜我。與此亭  
俱。千載了無人事。咄咄斷我腸。

除夕行五章

今夕何夕。歲已除。今吾偃蹇。猶故吾故。吾躬耕資水陽。  
今吾倚劒。天北隅。鳳皇翦翎。送籠中。一擊九千事。有無

且須痛飲屠蘇酒大醉不醒真腐儒

腐儒懷抱何時閑三十已過四十來直道不輸汲黯賢  
詞源儻比屈平才美酒大肉致賓客千金散盡誰惜哉  
於虜世途結交需黃金腐儒金盡長苦吟休論雨覆雲  
翻態自保千秋萬古心

千秋萬古亦何有孔某盜跖俱塵垢馬遷良史下腐刑  
揚雄奇字覆醬餽人生底用說賢愚有蔬十盤酒百壺  
逕須提挈婦與孺終夕醕酢爲歡娛

歡娛日多愁日少今夕何夕工頌禱有妻解讀關雎詩

有妾翩如楊柳枝。有子。有子。祭成行。或爲麒麟。或爲熊羆。  
於。虜。自。我。飄。蓬。十。六。年。客。中。今。夕。且。纏。綿。一。室。周。旋。足。  
天。性。太。行。呂。梁。不。我。前。

我前我後梅花繁。東街西街爆千竿。此時羣兒大呼叫。  
誰家癡獸賣不殘。造物於人厭奇巧。弗癡弗獸良獨難。  
且作鷓鴣巢裏宿。莫向驂騑道上看。

太原奇士歌贈喬鶴儕水曹

太原奇士喬水曹。眼有紫焰氣凌霄。東箭南金不足比。  
鳳雛龍臥高其標。無乃太行首陽之嵯峨。黃河大陸之

邈迤蔚爲乾坤元氣快兼包。不然風后席師之魄。力林  
宗子荆之風流。前身後身翕赫變化來扶搖。讀書過目  
不再鈔典墳。邱索窮鉤撈譚詩說賦磊磊何滔滔。時鑿  
天心出月脅下駭。蘇海嘲韓潮咄嗟乎太原奇士不可  
得。北面揖我從羣髦。孟軻猶患爲人師。楊雄奇字誰能  
教。送難解惑良有以。茹古今。今颯已超君。不見楚之鳥  
其中。乃有鳳凰節節足足鳴。簫韶又不見。晉之馬其中  
乃有龍駒。一日千里騰金鑣。天南天北相思勞。天風吹  
之莽。週遭龍駒謂鳳凰。汝是今之九方臯。大願執御雙。

翔翔濁世。牝糠盡法。掃梧桐竹實。以爲要鳳凰。謂龍駒  
吾弗得。汝愁飄飄。今且騎汝上天。復下地。騶山挾壑風。  
雷。逃可以橫拏虎兕。吞鯨鼈於戲。兩人相師。半相友。一  
洗眼中萬事。豁鬱陶。君不見六印三組太婀娜。五侯七  
貴何矜驕。其他虎符雜犀帶。矯若杞梓離蓬蒿。鳳凰鍛  
羽。鵝鶩起龍駒。惑路驚駘嘲。余固孟簡。倚倉曹。子亦何  
遜淹水曹。鷄蟲得失等閑事。仰天大笑劍在腰。天寒歲  
暮。霜霰號長松。曉墮菊。夜凋有酒如河肉。充庖無羔孳。  
蟹足。以豪於戲。劉伶阮籍之徒。大解事。我與太原奇士。



百年一醉千酩酊

弇州山人入夢行

併序

弇州山人負蓋代之才好是古非今故其名雖  
盛不旋踵而謠詠之者實繁有徒余亦未暇取  
弇州集論定其然否也既而從書肆中購其四  
部稿四部續稿而讀之則信乎其爲蓋代之才  
而趨趨者蓋莫能望其肩背焉是夜夢弇州來  
握手出涕泣相告曰僕之詩失其傳也久矣匪  
僕之詩之罪也而不知僕之詩而淫辭險語以

撓惑之者之罪也。錢虞山艾東鄉爲之倡。而其  
徒爲之和。彼訾此詬。幾無完膚。子實惡好我而  
出重貲以購我集。其盍選我詩二千篇與劉青  
田李崆峒並傳乎。時之人樹榛拔桂。非子之識  
之辨。其孰爲我芟疑謗而存其是者。且子之詩  
當與青田崆峒及僕代興者。子能振僕之詩於  
廢墜之秋。僕亦慶子之詩於不朽矣。醒而奇其  
言。且哀其志。余於弇州四部姑不具論。論其詩  
部。其樂府變乃空前絕後之作。其餘各體一經

別袂良亦差肩於青田崆峒匪我阿好弇州弇  
州實以千秋託我也爰作入夢行以記其事

蚍蜉撼樹雀上天識短論奇殊不然昨夜飄飄閭闔風  
吹送弇州山人墮我前皂帽方袍瓊佩妍鬚眉恂倪紫  
霞僊握手語我心悁悁屈宋無人曹劉死走也哇鯨擲  
鼇尸其權大海回波生紫瀾興就不刪萬且千虞山蒙  
叟睥睨我橫以鳳皇鸞鴛爲鴟鳶東鄉于子用偏師乃  
欲破我天梯石棧之鈎連其餘百喙紛紛作吠日吠雪  
無窮患蝦蟇噉明月明月缺仍圓寶鏡不拂拭塵垢無

由。前。願。子。擊。斷。昌。明。之。青。蠅。貝。錦。何。有。焉。子。能。振。我。於。  
斯。文。廢。墜。之。秋。我。能。頓。首。玉。皇。乞。靈。河。嶽。縱。汝。掀。雷。抉。  
電。驅。濤。湧。雲。狂。歌。天。地。無。罪。謗。文。章。有。神。交。有。道。前。賢。  
莽。蕩。接。後。賢。雙。止。雙。飛。九。萬。里。一。噴。一。醒。三。千。年。我。聞。  
此。語。涕。潸。潸。我。思。山。人。名。高。謗。重。吁。可。憐。君。不。見。南。山。  
松。柏。高。不。極。下。有。蘿。葛。相。糾。纏。蘿。葛。或。委。枯。樹。枝。松。柏。  
自。作。明。堂。椽。山。人。之。詩。吾。能。說。樂。府。變。化。宮。商。駢。楚。謠。  
漢。風。出。吞。吐。緯。以。人。事。鋪。坤。乾。其。餘。各。體。競。雄。麗。弼。中。  
彪。外。才。般。般。虹。蜺。橫。空。風。雨。合。駉。轟。翕。赫。來。無。垠。惜。其。

拙於用算工用多。蛟螭螻蛄雜毫端。削膚去冗芟其疑。  
明珠美玉當得二千篇。大笑峨嵋天半匪其敵。竟當上  
凌崆峒。輓青田於庠山人之才。天下奇有明一代。藹高  
騫山人頓首可。余意抑揚操縱理不偏。蕭條異代結同  
心。乃知千子蒙叟之徒。撫瑕掩瑜。亂真詮夢。醒炯炯書  
此言。東方既白。非雲煙。

四雛行贈內子瓊華

併序

余以乙未十月由御史改官。是月瓊華生。信昭  
丙申十月生。佑昭丁酉十月生。什昭戊戌十月

生保昭一歲一雛奇。均如十月之期。又奇無乃。  
造物者實有心焉。折其一官而償以四雛耶。酒  
酣作四雛行以贈瓊華以寫我心焉。

炊金饌玉。卿不羨分圭。縹組我何求。夫生世有如此。  
四雛者亦足開心。寫意舒煩。憂阿佑阿佑。工娛嬉。舉裳  
倒覓棗與梨。阿什阿保。雜笑啼。以手撫摩。情庶幾。誰謂  
宜男非窮苑。不圻不駟。工頌禱。誰謂改官坐枯槁。芝蘭  
玉樹堆襁褓。十月天寒。不雨霜。東方之日紅。杲杲君子  
有穀。問箕裘。美人娟娟。夢弧昂。一歲一送麒麟兒。孔子

釋氏爲我好。吾聞麒麟不易有。豚犬之姿太麤醜。八州都督何足言。但願讀書種子落吾手。君不見五柳先生生五男。不好紙筆都愚憨。又不見老泉先生起眉山。二子軾轍冠人間。白雲在右。月在左。萬事由命。非由我。後嗣賢愚無不可。卿歌饋兒詞。花紅雪白與兒沐。浴作光儀我。讀南華篇。光洋自恣。何處更著兒女緣。卿歌淺我心。深枯魚可焚。酒可斟。酒酣聊作四難吟。贈卿儻比千球琳。

嘲海翁 併序

益陽湯鵬號海秋自少已然長而更慙世故哭  
兀詞場不知始自何人而咄咄稱海翁者盈吾  
耳也酒酣對鏡爰作歌以自嘲焉

嘲海翁海水雖東翁不東心吞風雲氣吐虹下凌滄洲  
上華嵩倚天拔地太狂縱不肯軒輊萬古之心胸生不  
願蕭曹房杜勒旂常金張許史夸鼎鐘名高分溢偏衾  
影媿以青蒿倚長松亦不願安期掖我游蓬萊廣成有  
道居崆峒支離崛曲自世間何用咄咄談虛空神僊富  
貴翁已慵別有今情古意浩無窮沅湘香草豔殺翁江  
海秋詩集卷之十五



離。辟。正。紛。葱。龍。朝。舉。木。蘭。夕。宿。莽。餐。以。秋。菊。裳。芙。蓉。荃。  
不。揆。余。可。奈。何。美。人。遲。暮。獨。西。風。無。乃。三。閭。大。夫。之。魄。  
善。變。化。餉。以。憾。事。心。慙。慙。不。然。長。沙。才。子。之。涕。流。不。盡。  
煩。冤。欲。訴。難。爲。功。楚。騷。血。賦。不。可。以。斷。絕。翁。迺。排。比。聲。  
韻。吹。角。宮。鳳。凰。一。奏。鴟。鴞。聾。聾。咬。弗。聞。聞。笙。鏞。眼。中。不。  
辨。曹。劉。雄。遠。師。陵。武。近。甫。白。指。揮。徐。庾。沈。宋。如。兒。童。梁。  
甫。之。吟。感。神。鬼。墜。篋。之。引。徹。蒼。穹。可。憐。歷。落。欽。奇。概。盡。  
入。慘。澹。經。營。中。一。月。不。梳。頭。十。日。不。闕。門。外。蹤。寸。心。上。  
下。五。千。載。萬。事。悲。歡。七。尺。躬。悲。莫。悲。兮。日。月。逝。矣。老。將。

至鬢毛。颯沓揚枯蓬。歡莫歡。兮有錢且買葡萄。葡萄酒。三百  
杯中。悟化工。翁醉矣。顏長紅。醉復醒。歌詞碑兀搖瓊瓏。  
太行。呂梁。不足以爲翁之夷險。蟋蟀。朝菌。不足以語翁  
之始終。嘲海翁。海水雖東。翁不東。請看富貴神僊外。乾  
坤腐儒。或是儂。

海秋詩集卷之十六

益陽湯鵬海秋撰

五言律詩

寄巴陵方向亭

落落扁舟客。烟波深復深。孤蘆一片月。江海百年心。路遠書難到。情親涕不禁。何時萬里外。浩蕩白鷗尋。

念昔經過日。溪山縹緲中。鶯花存物色。蝦菜自秋風。忽天南北拳。拳心始終莫。將蘿薜意。顛倒笑飛蓬。

思子不得見。登高望故鄉。天涯萬里眼。人事九回腸。苦

憶淮王隱空餘賈傅狂青山時入夢誰戀珥貂行

送張亨甫明經

詩名滿天地君意復何之落落相逢晚匆匆遽此辭燕  
雲低劍氣海月逼秋思壯歲還家好居然鬢未絲

送郭與可孝廉

涕泣談遭際浮名有是非海邊人已去亭江上汝應歸  
秋色橫詩舫蘆花隱釣磯只應沉醉後悄悄憶京畿

野望

春色爲誰深煙花滿眼侵靡蕪鋪萬片楊柳上千尋山

勢盤天地河聲送古今。驅車一長望不作掉頭吟。

山齋

不辨東西徑。人從黃鳥來。簷簷狎亭午。躑躅老牆隈。再  
再山花落。飄飄泉響回。誅茅何日事。心折此徘徊。

寺樓

舊識雲中寺。扶筇此一經。危樓成突兀。平野入蒼冥。水  
劃盧溝白。山歸黍谷青。忽聞鐘磬響。殘照下松櫺。

尋僧

松櫺大千尋。蒼茫古佛林。紛紛紅葉落。杳杳白雲深。采

樂人何處談禪意。不禁蓮華好。世界誰爲繫。纓簪

送遠

關塞極天哀。黃沙白草來。傷心一萬里。握手十千杯。時  
事隨蓬轉。征車傍曉開。別離兒女態。吾意獨憐才。用杜

天末

天末白雲飛。山川在翠微。鳬鷺隨野艇。麋鹿對荆扉。側  
想故人在。深慙薄宦非。底須田五頃。斟酌且來歸。

暝色

暝色帶郊墟。郊墟炯自如。白雲依水盡。黃葉補林虛。物

態知喧寂。光陰屢卷舒。仰看河漢影。明月似憐予。

對酒

對月吞名酒。飛霜攬敝裘。萬緣惟兩鬢。一醉已千秋。莫問江都策。空餘杞國憂。杜康如我意。此外復何求。

秋夜

秋空雲不斷。樹碧月初橫。河漢澄如許。梧桐微有聲。青鐙一萬卷。白鬢兩三莖。蟋蟀殊多事。墻前故故鳴。

登高

羈旅今何似。登臨第幾回。乾坤萬里客。風雨九秋臺。水

蹴龜鼉去山盤鶴鶴來。寓情須作賦誰是大夫才。

送別

送客蒼茫際。秋風兩鬢橫。燕臺無駿骨。湘水有鷗盟。石伴清溪釣。雲連綠野耕。生涯好自在。何必請長纓。

望遠

蜀道今如此。飄零客子情。錦江魚縱好。劍閣馬難行。石險紛紛落。雲奇故故生。只應草堂上。萬古一詩名。

聞雁

送響入虛空。春長萬里風。雁方來北地。人苦憶南中。借。



問洞庭水應憐客子蓬鄉書勞汝寄斟酌旅愁工

郊行

出郊延遠色下馬立斜陽野濶山千點天高鳥一行雨  
生空際綠雲向斷中黃來就東家飲枇杷樹樹香

把酒

把酒問東風東風日夜東煙花一萬片身世醉醒中吾  
道惟浮蟻天涯自轉蓬南華長在眼誰遣四愁工

卧起

一卧不知醒荷聲復竹聲風吹殘夢去烏喚好雲生厯

歷人間世飄飄冠上纓。流年堪送酒。閑事不關情。

晚望

秋色不勝情。斜陽客倚亭。虹蜺生澗紫。鸛鶴下天青。風止雲逾整。煙空日未暝。西山如可借。結宅養伶仃。

病馬

身病成驚馬。天寒叫晚晴。風批雙耳禿。霜刷五花平。汝已憐騰老。吾猶偈側行。卽今論萬里。只有涕縱橫。

送陳小舫羣廉

京國數相訪。高歌如有神。忽韜三策稿。將避九衢塵。馬

走邯鄲雪舟橫江漢春清波好自在明月照垂綸。

詠懷八首

庭樹蕭蕭晚天風颯颯遭亂雲歌幔黑急雪落簷高潦  
倒數杯醉追奔萬慮牢倚欄一長嘯京國客心勞

惆悵爲郎苦迂疎畏衆欺騏驎揮老淚鷹隼側卑枝明  
月有常照浮雲無定規黑裘好自在季子未應悲

枯柳卧深堂天寒木葉黃無錢沽美酒有菊挺秋霜疾  
病纏司馬朋儕忘子桑呼奴煮藜苒晚飯立斜陽

擣首瀟湘岸思親蚤夜中艱難增髮白澹泊抵年豐草

莽風斯樸。簪纓態易工。遠遊耽自在。辛苦倚閭衷。

有弟迢迢去。秋風驛路長。文章飽山水。料第小行藏。姜被悄孤擁。鵲聲空憶將。無由把古意。永夜足商量。

高士縛禪幻。蒲團覓性靈。異書非典則。古道有門庭。浩浩游滄海。暉暉見日星。嘗聞韓祭酒。披讀一鐙青。

擺脫雞蟲事。閒居興已存。蜘蛛懸屋角。蟋蟀傍籬根。裘馬難馳驟。詩書自討論。結交念蒼老。慘澹對黃昏。地僻客難到。雲深門自關。百年無事日。一榻豈吾慳。禽語當頭慣。梅花信手扳。卽今取幽屏。高卧勝東山。

今代論台輔拳拳仗老成愛才心俛仰談道氣崢嶸賈  
誼慙長策侯芭走盛名千秋許與處因見古人情  
獨臥瀟湘客居然箕顙鄰誰知黃閣老不薄武陵人舊  
識煙霞態新霑杖履春飛騰思稷契斟酌腐儒身  
洗眼看時事心微涕泗流文章亦餘技經濟儻前籌路  
國公真健吏吾我自羞爲郎多歲月惶恐二毛秋

室焚之夕酬黃樹齋同年送被

布被投灰燼春寒攪夜眠有儒垂凍死天下幾人憐  
與姜肱近心慙林茂賢餘溫破愁苦霜雪爲君圓

送蘇鰲石太守

許慎談經宅坡公載酒來

時余借宅萊山師數與鰲石文晤談

道高增劍

氣禮厚。魏詩才。薊北千樽共。江南五馬催。此行小。時棟

麟閣待君開

送陳筠心

舉舉敦州客。才名無與侔。文心雜今古。眉宇半春秋。萍梗知何似。樽罍且細酬。西風嘶馬首。離別不禁愁。詞場多闕冗。吾意已孤偏。煙雨一秋白。酣歌獨爾賢。辨才森似戟。詩律細於禪。執手欲何去。湖南縹緲天。

君歸靈壽宅我憶洞庭鄉弟妹無靈蠢山川自短長看  
雲天萬里步月淚千行亦有扁舟與羈栖未可翔

寄陳松心

神交未謀面天遠一思君詞賦無高第江湖有白雲  
荷堪作壁鷗鷺自爲羣落落幽期處人間聞不聞

輓劉申甫儀部

四海論交地飄飄長者裾不張才子幟祇讀聖人書  
天地埋儒骨風塵黯德車招魂何處是宋玉幾踟躕

杜甫需微祿馮唐困白頭公卿無薦牘俎豆有春秋  
申甫

邃于古意淚如水浩歌風滿樓空憐夜臺下嘔血迸泉流

贈杜蘭溪農部

浙浙長安雪披披君子巾天寒元有序人靜不言貧齊物吟秋水韜光避皂輪屢聞唐太守

鏡海先生

持爾勵時人

送王香杜大令

英才違簿領事業祇燈檠嘲詠幾千首飄零無限情黔陽前作宰襄武此新行且試牛刀技絃歌問武城

周小湖侍御招飲



閉門愁歲晏。飲酒是生涯。落落無官事。荒荒醉汝家。狂歌慙李白。博物譽張華。且喜朋知盛。升沉未足嗟。

通惠河泛舟

清曉出城郭。中流寫我心。魚蝦橫小艇。雁鴨聚圓潯。雨放蘆芽短。春藏柳葉深。腐儒一搔首。兩岸卽山林。人影烟中語。春風柳外天。勝遊蘇病骨。白浪怯華顛。撥觸扁舟興。蒼茫故國邊。因風問沅澧。香草怨年年。不知舟近遠。衣上浪花來。橋壓鼃鼃窟。市傾鸚鵡盃。波聲清似瑟。岸影綠於苔。更欲尋流去。篙師喚却回。

卽事

不因官落拓。慷慨作長吟。盃酒無清濁。春風有淺深。聚  
花初過蝶。柳葉已藏禽。竟欲刪浮態。悠悠江海心。

陳子鶴吏部夜過我

閉戶長歌嘯。因君破寂寥。天光槐影側。人語燭痕消。醉  
醒看浮葉。行藏攬黑貂。祇憂簪筆地。無補

聖人朝

聞說公卿席。爭延杞梓材。短椽吾性率。狂論汝心哀。浩  
浩倚花飲。飄飄踏月來。夜闌河漢靜。衣袂少塵埃。

鄭雲麓郎中過我

大雅既不作。長歌倒此盃。烟。花。隨。物。態。貧。病。鍊。吾。才。老  
友。衣。冠。樸。清。譚。風。雨。來。不。須。勤。說。項。惶。恐。俗。情。咍。

不見六首

不。見。汪。生。久。悽。然。如。已。秋。幽。花。歆。晚。照。細。葉。夾。泉。流。聚。  
散。無。千。里。肝。腸。有。萬。周。世。間。蟬。冕。客。未。是。我。同。游。  
行。路。今。如。此。愛。才。安。敢。言。皂。雕。樓。短。草。天。馬。駕。頽。轅。覆。  
載。非。無。意。升。沉。豈。有。根。百。年。人。事。定。涇。渭。水。分。源。  
欲。問。人。間。世。恐。傷。君。子。神。十。句。稀。會。合。一。雨。洗。悲。辛。櫟。

柳風中直菱荷波外新經過御溝上自有一冠巾  
落落容臺吏幽居卽草堂人如河漢白詩以性情昌散  
地無裨補高歌接混茫秋風慣來往不著珥貂行  
脫暑千人外芳蘭挺異姿百年成我集萬首贈君詩  
角逐惟鉛槧榮華似奕棋酣嬉忘人事脈脈兩交期  
天風吹雨驟泥潦訪君難離別那能久蒼茫無盡端  
蟲嘶階草暗螢點客衣單努力加餐飯愁吟損肺肝

送喬見齋太守

水濶蒼梧野山橫百粵天北風吹五馬太守似神仙  
宮

省文章貴屏風姓字先飛騰好材望暫假一枝便

天子誇英富羣公憫儉貧百年心似水一郡氣皆春  
蠻驛山川樸珠崖木石新應憐掖垣暮徙倚玉珂人

元旦夜宿禁中

天饌家家捧

樞廷例分魚鹿

官燈歲歲新

九重心有喜萬國氣皆春西北刪餘孽東南起涸鱗新

年澹無事黃髮老彌振

新安相國垂八十而筋力健快無凡

冬令疲官事春風有好音雪垂三殿潤鐘隱尚方深  
浩浩大平愿勤勤臣子心不眠疑漏刻端坐理朝簪

寄錢伯瑜觀察

舊棲蓬島客。遭際起風雷。國有大名在。河橫一節來。轉

輸知急策。歌詠是餘才。落落雲槎集。

伯瑜集名

披吟亦快哉。

潘岳官應拙。揚雄賦可憐。流光何荏苒。好友尙纏綿。腰帶三年緩。心聲兩地傳。潞河還溯水。望望只茫然。

除夕宿禁中次元旦夜宿禁中韻

離離時序過。忽忽鬢毛新。且喜書生筆。將霑大內春。微才蒙鹿麋。赤志拜

龍鱗。細數今年事。艱難理益振。

樓臺霄漢外。鐘鼓太平音。已卜明年好。方憐今夕深。桃符紛在眼。柏酒若爲心。不寐思身世。端宜稱盞簪。

偶作

憶爾飄然去。招要不復來。冷雲侵曲磴。急雨破蒼苔。獨坐連愁影。多情是憾媒。惟應步兵酒。消受掌中杯。忽聞車隱隱。錯擬佩珊珊。秋水爲丰致。雲天好羽翰。地非千里別。腸已九回酸。莫唱相思曲。相思淚更乾。

送羅錫侯別

開襟仰內弟。用杜甫句骨性爾誰優。人聚不知樂。言歸忽已。

愁戶斜蟲。搗月天濶。雁橫秋。肯厭南中。苦行行一葉舟。  
長歌意不盡。執手復纏綿。荷北三杯酒。湖南萬里天。漁  
樵江上伴。蝦菜雨餘船。吾亦淹留者。萼鱸計渺然。

### 畫松

磊磊復蒼蒼。青松百尺長。龍鱗蟠歲月。鐵幹飽風霜。大  
木無斤斧。空山有棟梁。丹青存骨格。肯與衆低昂。

### 秋夢

秋夢太伶俚。秋心過洞庭。扁舟天地白。一片荻蘆青。主  
組工無益。煙波迥自經。西風休喚我。只伴老鷗醒。



極樂寺

一徑入蒼翠。秋光滿寺前。林餘晨雨潤。欄倚午風偏。楊柳方垂地。藤蘿欲上天。愁心隨物態。端坐轉悠然。結伴飄飄至。尋芳曲曲斜。露霑女蘿草。風定玉簪花。松老供黃鶴。槐疏見白鴉。秋新蔬可摘。寺圃好爲家。海棠今已歇。來坐國花堂。窗送三秋色。亭兼半畝塘。芭蕉爲我展葵藿。比人長更欲量。柯葉摩挲欲樹霜。不識何年寺。穹碑剔古詞。苔深無鳥過。僧老有雲知。歷歷人間事。蒼蒼物外姿。茲游實幽絕。石上獨題詩。

遇雨

莽莽西郊雨。褰衣獨往時。風驕烏帽落。沙黑馬蹏遲。溝澮中何有。滂沱意在斯。盈虛渾不定。愁絕一題詩。

尺五莊

蒼翠滿西東。杈枒有路通。橋危依老樹。亭古受輕風。獨坐無餘想。長歌入太空。此身嗟更醉。天地一冥鴻。撥棄眼前事。迢迢郭外游。芙蓉如有約。楊柳未曾秋。欸欸逢黃鳥。飄飄問白鷗。烟霞吾本性。誰戀黑貂裘。可憐一片水。不厭百回尋。菱芡風前熟。蘋蒲雨後深。愚

溪斯在眼。介石若爲心。借問元真子。何知梁甫吟。  
窗檻層層曲。溪風故故來。蟬聲一萬樹。蟻味十千杯。  
爛醉方成聖。浮名恥自媒。蜻蜓殊解事。長與客低徊。  
雙屐引薰風。烟叢更水叢。蘋蘩分白小。蘆葦上青空。  
谷口蒼茫際。桃源縹緲中。斯游動幽興。浩蕩五湖東。

贈周生一峯

突兀浮邱閣。秋風老劍鋌。物情森慘戚。我友極軒昂。  
北斗千秋業。南豐一瓣香。拳拳餘古意。旦夕此匡牀。  
豈獨詞章健。兼知膂力剛。噴雪青吐劍。撒霧綠橫槍。奇

筭探風后勞筋事鄂王此才應萬里端不老柴桑  
洗眼看時事書空一問天屈原徒有佩祖述豈無鞭撻  
證才將老款款意可憐故應就科目

皇路好飛鸞

四海論文地沈酣幾歲年乾坤雙健筆風雨一青氈直  
道情彌古高談性所便搢衣欣得汝吾道寄真詮

寄郭羽可

昨夜夢娟娟伊人倚我前飛騰天萬里慰藉眼雙穿涕  
淚霑襟在江湖問訊便鵲鷄不曉事驚覺轉茫然

憶子經過地。飄飄似白鷗。百年大小隱。一劍古今秋。耕  
釣斯爲福。烟霞無盡頭。逍遙豫章客。未減武陵舟。  
不礙幽人興。須將好句傳。九江驅筆底。五老墮樽前。山  
水吞餘地。乾坤了暮年。萬緣高枕外。悄悄舊青毡。  
念我書常至。箴銘鬱古風。策韜漢賈傳。詩溯魯中公。壇  
坵惟歌詠。精神此所窮。誰能覲麟閣。且作老雕蟲。  
款款欲何道。思君天眷漫。可憐新塊壘。只剩舊芝蘭。蓬  
艇西江好。貂裘北客寒。幾時重會面。皓月照團圓。

故鄉

風雨浩茫。風濤滿故鄉。龜鼉穿地出。鴻雁叫天黃。此  
事誰根本。何年足稻粱。綬豐難繼美。濟世屢回腸。

所思

雨雨風風夜。淒淒切切音。燭垂無限淚。秋是故人心。江  
海飄漁艇。蓬蒿老劍鐔。昌黎空薦士。悵悵此苔岑。

送客

送客薊門西。秋風入馬蹏。小橋流水活。高鳥白雲齊。漆  
吏才難得。桃源路豈迷。深深結廬處。塵世少攀躋。

答孫琴西

大雅口陵替寥寥幾異才天憐吾道弱君自荆東來雙  
鳥聲相應千秋理自該漢廷詞賦健端合數鄒枚

回首風雲際蹉跎汝可憐驂騑逢白眼鸛雀上青天且

用詩爲命方知酒有權客愁容易破那畏北風偏

與子淋漓飲天寒醒醉中雪花吹短鬢木葉下長空賈

誼心雖赤楊朱淚莫紅行藏渾是幻不必夢熊熊

舊憾翻新憾長歌續短歌杜韓吾豈敢屈宋古誰過調

苦彌蒼莽名高送坎壈只應與朋好來往慰沉疴

贈我新詩句怡然古性情八風成節奏五岳起縱橫運

晚才難待心悲義自呈雕章聊用報未足抵瑤瓊

黃守垣丈持盈圖詩

慄慄三歆器茗茗一長翁盈虧誠了澈勸戒此磨龍國  
寄鳳毛在謂樹家詳鯉對中披圖起恭敬今見古人風

蔣丹林丈童子釣游圖詩

歷歷遂初意飄飄天地間江湖無限好蘆葦自成灣  
榮逢人有鷗盟不我怪丹青對瀟灑足以慰蒼顏